

Ivatan God's Simple Plan

No Vayo a Testamento

Takwan naytavo o tawo a nakagatos as kadi da makatongtongan do salapan no Dios. Roma 3:23

Takwan no aspangan no gatos am kadimanan, pero viay a abo so pandan o regalo aya no Dios a makayamot do ka si Jesu Cristo dana no Apohen ta. Roma 6:23

Makayamot do grasia no Dios o nilibri na dinio do nakasaray nio ni Jesus. Niaya am yapo ava do tinanitanyan nio, ta tinoroh dinio no Dios a libri. Makayamot ava ya do mapia a pinariparin, ta tarek a mian o mapakamoto so karakohan na. Efeso 2:8-9

Pero no maparo aya a mangolekta no Roma am naytetnek do mandichod na as katod na komheb a tomogtog so kalangangan na as kavata na sia, "Dios, ichasi mo yaken ta makagatogatosen ako." Lucas 18:13

Takwan makayamot do oyod a rakoh a addaw no Dios no tawotawo do mondo aya am tinoroh na o mavoyvoh naya a Manganak tapian an sino o manganohed sia am ara pava o abo so pandan a kadimanan na asna makarawat so viay a abo so pandan. Ta tinovoy ava no Dios o Manganak naya do mondo aya a mapagtin so kastigo an dia voken a no nakawara na a omlibri so tawo. Juan 3:16-17

Arava o tentasion a mawara dinio a dia sivog kano adan a marawa do tawo. Amna no Dios aya a iya so naypromisa a manidong am piachen nava anti nio a katentasionan so manghavas pa kano magwanta nio, ta torohan naynio so ayet a ichaparin nio a makapayagwanta as manghomis do tentasion aya. 1 Corinto 10:13

Tayto ko masigorado o kabo no makapasiay diaten do addaw aya ni Cristo. Arava do viay taya sichangoriaw anmana anti do kadiman ta, aran sira o angheles anmana demonio kano marahet sa a ipakapamarin am arava o maparin da. Aran sira o mian do tohos anmana do tana aya anmana aran ango a inamaog am arava o ayet da mapasiay diaten do addaw aya no Dios a mian do Apo taya a si Jesu Cristo. Roma 8:38-39

Ara dava maintindi o kapakabo dira no Dios o atavo a masaray ni Cristo a iya so nawara a omparin diaten a manamonamo takwan no somnivog a serbi no pidipidit saya am no kapatongdo da diaten di Cristo. Roma 10:4

Ta niaya o vatahen na, "Mian o tinongdo ko a tiempo a kadngey ko dinio as katoroh ko so sidong do oras a kapangaylangan nio so kalibrian." As tiban nio ta sichangoriaw o tinongdo naya a tiempo a katoroh na so kalibrian. 2 Corinto 6:2

Do nakadngey da sia no tawotawo sawri am oyod da chinalijat as ahsan da nia da

Pedro, "Kakakteh, ango mayanong a parinyen namen." Tinbay ni Pedro, "Manehseh kamo do gatos nio as kapabawtismo nio do ngaran ni Jesu Cristo tapian pakaboan naynio no Dios as tapian marisibi nio o Masanto a Espirito. No Apostoles 2:37-38

as kapatadi nio sin o manamonamo kano mapia a kaparin no viay a tinoroh dinio no Dios. Efeso 4:24

Akma so nakatolas a Chirin na a makavata sia, "Arava o aran asa a abo so sinadan. Roma 3:10

Do nakapakagatos ni Adan am somindep o kadimanan a kastigo no gatos do mondo aya dawa atavo a tawo am madiman a makayamot do kapaytavo no tawo a makagatos. Roma 5:12

Do nakarahan a tiempo do kabo pa no mapaparin ta am nadiman si Cristo do tinongdo no Dios a tiempo a omadidi so makagatogatos. Roma 5:6

Pero makayamot do oyod a rakoh a addaw niaten no Dios am nadiman si Cristo a omadidi diaten do kayan ta pa do pakagatogatosan ta. Roma 5:8

As sincharan pa a Manganak no Dios a makayamot do makakniknin a ipakapamarin na a pinavoya na do nakapirwa na a mayvangan as kano kayan sin no kanamonamoan aya a voyvoh a no Dios so yanan na. Roma 1:4

As makayamot do nakahomis sia ni Cristo o kadimanan as kadi narana mirwan a madiman am ara pava o ipakapamarin sia no kadimanan. Roma 6:9

As an vatahen mo o kasinchad mo di Jesus a Apohen as kapanganohed mo dia do tawol mo o nakapayvangan sia no Dios si Jesus am malibri ka. Roma 10:9

Dawa "aran sino o tomawatawag do Apo taya am librien na," a nia so nakatolas a Chirin na. Roma 10:13

Tayto ko masigorado o kabo no makapasiay diaten do addaw aya ni Cristo. Arava do viay taya sichangoriaw anmana anti do kadiman ta, aran sira o anghes anmana demonio kano marahet sa a ipakapamarin am arava o maparin da. Aran sira o mian do tohos anmana do tana aya anmana aran ango a inamaog am arava o ayet da mapasiay diaten do addaw aya no Dios a mian do Apo taya a si Jesu Cristo. Roma 8:38-39